

## **Maškare naša užanca**

Maškare su va mojen kraje vela tradicija. Del te tradicije su i tri maškarane grupi, dve s Pehina i jedna s Halubja. To su: Pehinarski feštari, Pehinarska gospoda i Halubajski zvončari. Med njimi su mi najdraži zvončari. Od starejih san čul štoriju kako je se to počelo. Pred čuda, čuda let pastiri su se, čuvajuć blago, strašili da ih ne napadu strašne zveri. Na se bi navukli kožu, a zvončen bi jako zvonili da potiraju so zlo okolo sebe. Mornarska majica, bele brageši z črjenun trakun, kopice, črni postoli, na glave strašna maska, va ruke mačuka i okole pasa obešen zvonac, to je današnji zvončar. Naša užanca maškaranja za me je najlepša.

**Teo 9,5 g. , OŠ "Pehlin"**

**Mentorica: Jasenka Travalja**